

ՄԻՔԱՅԷԼ ՀԱԶԵԱՆ

Ըստ Բացուի ռադիոյի օրերս հաղորդած տեղեկութեան, Գետաշէն եւ Մարտունաշէն նախկին հայաբնակ գիւղերում ստեղծուել է կազմկոմիտէ, որը կոչուած է վերականգնելու խորհրդային իշխանութեան տեղական մարմինները: Իհարկէ, ադրբեջանական ռադիոն իր այդ հաղորդման մէջ ոչինչ չի ասում, թէ որքան հակախորհրդային էին այդ գիւղերի նախկին խորհրդային մարմինները: Միայն ամփոստանք է յայտնում, որ այդ գիւղերի նոր տէրերը՝ նախկինում հայաստանաբնակ թուրք-ազերիները, ստիպուած պիտի լինեն բնականին ջանքեր թափել, մինչեւ որ կարգի կը բերեն իբր թէ հայ գրոհայինների ծայրաստիճան քայքայած տնտեսութիւնը, փլատակների վերածած շինութիւնները: Իսկ հաշուարկները ցոյց են տալիս, նշում է հաղորդման մէջ, որ այդ գիւղերի նախկին բնակիչները, հեռանալուց առաջ, անգթօրէն ատերել են շուրջ 180 բնակելի տուն, գիւղական հիւանդանոցը, երկու խանութ, կապի բաժանմունքը, ատոմատ հեռախօսակայանը, այլ օբիեկտներ: Եւ միայն խորհրդային զօրքերի ու ադրբեջանական ՕՍՕՆի -եռանդուն, հայրենասուր- ջանքերի շնորհիւ է, որ երկու գիւղերում, միասին վերցրած, փրկուել, կանգուն է մնացել հազիւ հազար տուն: Դրանցում արդէն վերաբնակուել է 380 ընտանիք: Ի դէպ, նրանց թոյլ են տուել գիւղերը մտնել միայն այն բանից յետոյ, երբ բնակային սակրատորները ստուգել, ականագերծել են տեղանքը: Հիմայ օրական 50-60 ընտանիք է տեղափոխում այդտեղ, կը հերիքե՞ն, արդեօք, կանգուն մնացած տները, մտահոգ հարցնում է հաղորդավարը: -Փառք ալլահին, շտապում է ատելացնել նա, -հանրապետութեան եւ Խանլարի շըրջանի համապատասխան կազմա-

կերպութիւնները ոչինչ չեն խնայում վերաբնակիչների կեանքը տանելի դարձնելու համար: Արդէն նշանակուել է նոր խորհուտեսութեան տնօրէնը՝ Իսիֆ Մամբոլը, որը ժամանակին կոլտնտեսութեան նախագահ է աշխատել Հայաստանում: Նա արդէն ընտրում, նշանակում է բրիգադավարներին, միւս մասնագետներին: Իսկ այժմ ահա ձեռնամուխ են եղել գիւղխորհրդի վերականգնմանը:

Եւ կամայ թէ ակամայ հետեւելով -խորհրդային իշխանութիւն- կոչուածի այդ կամայական գընալ-գալուն, մարդ տարակուսանքով է համակում. այս ի՞նչ արտառոց վարք է. անկոչ հիւրի պէս գնում է այնտեղ, ուր իր կարիքը չունեն, չի գալիս այնտեղ, ուր գուցէ պէտք գայ թէկուզ ժամանակատրապէս, 17ի Հոկտեմբերին ոչ ոք հիւր չկանչեց, բայց ինքնակոչ տիրոջ պէս եկաւ Ռուսաստան ու երկրի դէկը ձեռքը վերցրեց, 20ի Նոյեմբերին ոչ ոք չխնդրեց բարեհաճել այստեղ՝ Երեւան, բայց ինքնագլուխ եկաւ ու բազմեց սեղանի գլխին: Իսկ ահա Արցախի հայերը ինչքան ժամանակ է, հիւր չէ, ուղղակի տանտիրութեան են կանչում, բայց կամակոր յամառում ու չի գալիս: Փոխարէնը գնացել, հաստատուել է ատերակուած Գետաշէնում: Բայց հարց է ծագում. իսկ եթէ սակրատորները, եթէ իրօք նրանց կարիքը կար, արդե՞ք բոլոր ականներն են վնասագերծել, կամ էլ թէ, ի՞նչ է, արցախցի հայերը խորհրդային իշխանութեան մարմիններին ուղղուած իրենց բողոք-նամակները եւ կամ հրաւիրատոմսերը այսուհետեւ Չայքե՛նդ պիտի առաքեն: Չէ, աստուած վկայ, ըստ երեւոյթին այս եղած-չեղած խորհրդային իշխանութեան կամ աղն է պակաս, կամ էլ թէ՛ մաղը: Ժողովուրդն ինքն է ասում՝ դեռ 17 թուից: